

四庫全書

子部

欽定四庫全書

玉海卷八十九

宋 王應麟 撰

器用

尊彝 爵

爾雅注尊彝酒器總名周禮疏彝尊同是酒器但彝

盛鬱鬯與酒不同故異其名

書疏彝亦尊也盛鬯者為彝盛酒者為尊皆祭

宗廟之酒器也禮記正義彝法也與餘尊為法 說文穀禮

器也象爵之形中有鬯酒又持之也所以飲器象爵者取其鳴節節足足也

### 堯衢樽

晉刑法志念室後刑衢樽先惠將以屏除災害引導休和擬陽秋之成化若堯舜之為心也 淮南子聖人之

道若中衢而設尊過者斟酌各得其宜

四達謂之衢

唐張

說詩侍酌衢尊滿詢芻諫鼓懸 李德裕歌器賦異衢

尊之不竭 姚崇洛城宴詩堯樽臨上席 程行謚詩

堯樽承帝澤 衢室之間康衢之謠 宋朝天禧四年  
九月二十四日賜酺詔曰思延兒齒廣置衢樽 賀知  
章詩有舜壺之句

堯鐘

孔叢子堯飲千鐘

選注  
引之

虞泰尊 夏山壘 殷著尊 周犧尊 夏琖

殷斝 周爵 夏雞夷 龍勺 殷疏勺

周黃目 蒲勺 夏樽

並見賜予器物類魯四代服器官

明堂位

注泰用瓦著

著地無足筭畫禾稼也詩曰洗爵奠筭夷讀為彛周禮  
春祠夏禴裸用雞彛鳥彛秋嘗冬烝裸用筭彛黃彛龍  
龍頭也疏通刻其頭蒲合蒲如鳧頭也正義虞尊用瓦  
名泰山壘猶雲雷畫為山雲之形著尊無足而底著地  
其餘泰壘犧並有足犧象畫沙羽及象骨飾尊夏琖以  
玉飾之

又詩行  
芾注

殷筭亦爵形而畫為禾稼周爵按周禮

贊玉爵則爵或以玉為之或飾之以玉雞彛或刻木烝

雞形而畫雞於彝黃目以黃金為目

周所造也

龍勺勺為龍

頭疏勺刻鏤通刻勺頭蒲勺皇氏云刻勺為鳧頭其口

微開如蒲草本合而未微開 燕禮瓦大兩有豐注瓦大

有虞氏之尊也疏有虞氏尚陶 隋禮儀志梁天監五

年明山賓議樽彝之制祭圖唯有三樽一曰象樽周樽

也二曰山罍夏樽也三曰著尊殷樽也徒有彝名竟無

其器 後周歌辭曰彫禾飾竿翠羽承罍 王制疏宗彝者謂宗廟彝樽

之飾有虎雉二獸周禮有六彝此必為虎雉者明堂位

云夏雞彝殷斝周黃目周禮陳六尊六彝皆遠代者在後故六尊之次犧象著壺大山大是虞山是夏六彝之次亦虎雉在後故知虎雉虞夏已飾於尊

舜宗彝 玉斝 虞鬱尊

益稷作會宗彝注會五采也宗廟彝樽亦以山龍華蟲為飾疏周禮彝器無山龍華蟲為飾者帝王所尚不同周禮有山巖龍勺雞彝鳥彝 杜甫朝享太廟賦芳霏霏於玉斝注舜祠宗廟以玉斝也周禮春官疏虎彝

雖彝當是有虞氏之尊故鄭注尚書云宗彝宗廟之中  
尊虞氏所用故曰虞夏以上虎雉而已

### 殷爵 周兕觥

詩行葦洗爵奠斝注夏曰醜殷曰斝周曰爵箋云用殷

爵者尊兄弟也

禮器正義韓詩說一升曰爵二升曰觚  
三升曰解四升曰角五升曰散古周禮

說爵一升觚二升

毛詩說觥大七升獻以爵酬以觚異  
義觥亦五升 禮梓人為飲器勺一升爵一升觚三升

注觚當為解正義禮器制  
度云觚大二升解大三升

卷耳酌彼兕觥注角爵也

疏兕一角青色以兕角為觥

韓詩說觥五升  
毛詩大七升

桑扈兕



觥其觶

左傳昭元年穆叔子皮舉兕爵

山海圖贊

郭璞

皮充武備角助

文德古人取於兕者如此 博古圖有父乙祖乙祖丙

父戊祖己巳舉爵商觶十六商解三

### 周八尊

酒正

中士四人

凡祭祀以灋共五齊三酒以實八尊

疏五齊五尊三

酒三尊

大祭三貳中祭再貳小祭一貳唯齊酒不貳 冪

人祭祀以疏布巾冪八尊以畫布冪六彝

### 周六尊 六彝

小宗伯辨六彝之名物以待果將辨六尊之名物以待

祭祀賓客注六彝雞鳥斝黃虎雌六尊獻象壺著大山

司尊彝下士二人掌六尊六彝之位詔其酌辨其用與其

實詳見下凡六彝六尊之酌鬱齊裸獻酌醴齊朝縮酌盎

齊饋沈酌凡酒諸臣自酌修酌脩請為滌唯有事太廟備五齊三酒

說文彝宗廟常器也

周彝 雞彝 鳥彝 黃彝 黃目 斝彝 虎彝

雌彝

司尊彝春祠夏禴裸用雞彝鳥彝皆有舟注裸謂以圭  
瓚酌鬱鬯始獻尸也后以璋瓚酌亞裸雞彝鳥彝謂刻  
而畫之為雞鳳凰之形鄭司農云舟尊下臺若今時承  
槃疏鄭志云雞彝盛明水鳥彝盛鬱鬯是以各二尊彝  
與齊尊各用二者鬱鬯與齊皆配以明水二酒配以玄  
酒郊特牲云祭齊加明水三酒加玄酒禮象曰彝有舟  
以盛鬯猶尊有壘以盛酒

一時之祭  
并用兩彝

舟宜若後世酒船

稍加大爾古者惟爵有承槃所謂沾與豐是已尊彝無

之 秋嘗冬烝祿用筭彝黃彝皆有舟注鄭司農云筭

讀為稼稼彝畫禾稼也黃彝黃目尊也明堂位曰夏以

雞彝

本作夷注讀為彝

殷以斝

本注斝畫禾稼詩曰洗爵奠斝

周以黃目

又曰鬱尊

用黃目注黃彝承鬱也謂以黃金為目也

爾雅曰彝卣罍器也玄謂黃目以

黃金為目郊特牲曰黃目鬱氣之上尊也黃者中也目

者氣之清明者也言酌於中而清明於外

郊特牲疏黃目以黃金鑊

其外以為目因取名疏引明堂位皆證雞彝是夏法斝彝是殷法

黃彝是周法引爾雅見有彝為上卣即犧象之屬為中

疊為下

沈括云遊闕中得古銅黃奘其刻畫甚繁大體似繆篆中間有二目如大彈丸突起煌煌然所

謂黃目也

凡四時之間祀追享朝享裸用虎彝雝皆有

舟注鄭司農云追享朝享謂禘祫也在四時之間故曰

間祀玄謂追享謂追祭遷廟之主以事有所請禱朝享

謂朝受政於廟雝屬仰鼻而長尾

誅音

疏爾雅在釋獸

中注云似獼猴而大黃黑色尾長數尺似獼尾未有歧

鼻露向上虎雝當是有虞氏之尊鄭注尚書云虞夏以

上虎雝而已

注裸用鬱齊朝用醴齊饋用盎齊諸臣

自酌用凡酒

凡酒謂三酒

三禮圖雞彝受三斗羊彝畫嘉

禾虎彝畫虎於尊盛明水鳥彝黃彝雖彝

畫雖為飾

盛鬱鬯

周獻尊 象尊 犧尊

司尊彝春祠夏禴其朝踐用兩獻尊其再獻用兩象尊

皆有罍諸臣之所昨也注朝踐薦血腥酌醴始行祭事

后於是獻朝事之豆邊昨讀為酢諸臣獻者酌罍以自

酢不敢與王之神靈共尊鄭司農云獻讀為犧

音娑

犧尊

飾以翡翠象尊以象鳳凰或曰以象骨飾尊春秋傳犧

象不出門尊以裸神疊臣之所飲也

王肅注禮器曰犧象二象蓋全刻牛

象之形而鑿背為尊犧尊一盛玄酒一盛盎酒一盛醴齊象尊一盛玄酒一盛盎齊

疏禮運云玄酒在

室醴醖在戶齊醖在堂彼禘祭陳四齊此時祭陳二齊

設尊亦依此酒正云大祭祀備五齊大禘通鬱鬯與三

酒并配尊則尊有十八禘祭四齊則尊有十六此時祭

二齊則尊十有二明堂位犧象周尊也飾尊有非周制

者明堂位泰有虞氏之尊也山疊夏后氏之尊也著

殷尊也犧象周尊也疏禮器君西酌犧象亦周禮

獻尊黑出

白牛象

制同

周語奉其犧象出其尊彛注三禮圖云

阮氏圖犧尊飾以牛象尊畫象飾尊 魯頌犧尊

將將

詳見後

莊子犧尊青黃而文之 博古圖有

周乙舉樽

解謂之舉

象尊全作象形而開背為尊

鄭阮之膠

可鬼尊觚尊夔龍尊犧首壘素犧壘象首壘周尊

一十五 許慎說壘云龜目酒尊

禮象曰龜目黃黃目宜畫龜目

且龜亦因以為戒

周著尊

壘尊

魯壘



司尊彝秋嘗冬烝其朝獻用兩著尊其饋獻用兩壺尊

皆有罍諸臣之所昨也注朝獻謂尸卒食王酌之饋獻

謂薦孰時后於是薦饋食之豆邊著尊著略尊也或曰

著尊著地無足明堂位曰著殷尊也壺者以壺為尊春

秋傳曰尊以魯壺

著尊受五斗一盛醴齊一盛盎齊一盛玄酒著尊制中白明堂位疏殷

尊無足其餘泰罍犧並有足

左傳昭十五年十二月晉荀躒如周

以文伯宴樽以魯壺云云薦彝器於王注魯壺魯所

獻壺尊正義鄭玄曰以壺為尊燕禮司宮尊於東楹之

西兩方壺左玄酒 昭元年四月鄭享趙孟穆叔子皮

及曹大夫舉兕爵

注所以  
罰不敬

博古圖有著尊壺尊

周大尊 山尊 魯四代尊

見上

司尊彝凡四時之間祀追享朝享其朝踐用兩大尊其再  
獻用兩山尊皆有罍諸臣之所昨也注鄭司農云大尊  
大古之瓦尊山尊山罍也明堂位曰泰有虞氏之尊山  
罍夏后氏之尊玄謂山罍亦刻而畫之為山雲之形疏  
罍之字於義無所取故以雲雷解之雷有聲無形雷起

於雲雲出於山故刻山雲之形 崔氏曰禘祭用十八尊禘祭用十六尊 明堂位云云疏此明魯用四代尊也

周大壘 瓢齋 脩 概 散

春官鬯人

下土二人

凡祭祀社壝用大壘注壝委土為墀壇

以祭大壘瓦壘正義旒人為瓦簋取質略之意 崇門

用瓢齋注營鄗所祭國門也齋讀為齊取甘瓠割去柢

以齊為尊 廟用修注脩讀曰卣

詩書爾雅皆為卣

卣中尊謂

獻象之屬尊者彝為上罍為下 凡裸事用概甔事用  
散注玄謂脩概散皆漆尊也概尊以朱帶者無飾曰散  
正義概者橫概之義黑漆為尊以朱帶落腹 禮器宗  
廟之祭貴者獻以爵賤者獻以散 一升爵  
五升散 公劉詩酌  
之用匏江漢箋王錫名虎以鬯酒一尊

### 周宗彝

秋官司約 下士二人 大約劑書於宗彝注宗廟之六彝 書

武王邦諸侯班宗彝作分器注賦宗廟彝器酒尊賜諸

侯疏鄭云彝亦尊也盛鬯者為彝盛酒者為尊皆祭宗廟之酒器也 左傳昭十五年諸侯之封受明器於王

室分魯公官司彝器

注常用器

臧武仲曰大伐小取其所以

得作彝器銘功烈示子孫昭明德而懲無禮也

注謂鐘鼎

為宗廟常器

博古圖有龍鳳方樽蓋商器也

商樽凡十

四

周玉爵 瑤爵 魯玉琖 璧角 璧散

大宰享先王贊玉几玉爵朝覲會同贊玉爵疏天地

不用玉宗廟則用之 內宰大祭祀后裸獻則贊瑤爵亦如之凡賓之裸獻瑤爵皆贊注尸卒食后亞獻其爵以瑤為飾瑤爵所以亞王酬賓也疏瑤玉為璧形飾角口曰璧角角受四升爵為總號 祭統君洗玉爵獻卿以瑤爵獻大夫以散爵獻士及羣有司 明堂位魯公禘禮爵用玉琖仍雕加用璧角璧散注加加爵也散角皆以璧飾其口疏璧角內宰所謂瑤爵也四升曰角五升曰散 爵夏后氏以琖殷以斝周以爵疏爵以玉飾

故曰琖周爵或以玉為之或飾之以玉 禮器貴者獻

以爵賤者獻以散尊者舉觶卑者舉角

天子曰觶  
諸侯曰角

左

傳昭七年二月戊午燕賂齊以瑤璆玉積斝耳注斝耳玉爵

周裸器 裸玉

春官鬱人掌裸器凡裸玉濯之陳之以贊裸事注裸器謂彝及舟與瓚裸玉謂圭瓚璋瓚

周賜爵

夏官司士凡祭祀掌士之戒令及賜爵呼昭穆而進之  
注賜爵神惠及下也此所賜王之子姓兄弟祭統曰凡  
賜爵昭為一穆為一昭與昭齒穆與穆齒凡羣有司皆  
以齒此之謂長幼有序易氏曰祭末旅酬之禮也疏謂祭末旅酬無  
筭爵之時皆有酒爵賜及之以昭穆為序量人凡宰  
祭與鬱人受筭歷而皆飲之注鄭司農云筭器名玄謂  
讀如嘏尸之嘏春官鬱人大祭祀與量人受舉筭之  
卒爵而飲之注筭受福之嘏聲之誤也少牢饋食禮主



人受報詩懷之卒爵

周金罍

司尊彝疏異義第六罍制韓詩說金罍大器天子以玉  
諸侯大夫以金士以梓古注說罍酒器諸臣之所酢人  
君以黃金飾尊大一石按天子以玉經無明文惟詩云  
酌彼金罍 毛氏詩註人君黃金罍疏金飾龜目蓋刻  
為雲雷之象名罍取於雲雷故也

周羽觴

晉東昏傳

又東陽無凝齊諧記

周公成洛邑因流水以汎酒故逸

詩云羽觴隨波

文選注逸詩曰羽觴隨流波觴飲酒之器為生爵形似有羽翼

羽

武

王銘觴豆

禮記疏總名曰爵其實曰觴

### 魯犧尊

魯頌閼宮犧尊將將正義阮謏禮圖云犧尊飾以牛象尊飾以象於尊腹之上畫為牛象之形王肅云太和中魯郡於地中得齊大夫子尾送女器有犧尊以犧牛為尊然則象尊尊為象形也肅此言以二尊形如牛象而

背上負尊讀犧為義與毛鄭義異南史劉杳曰魏時

魯郡得齊大夫子尾犧尊作犧牛形晉時齊景公冢得

二尊亦為牛象

博古圖亦同

左傳定十年孔子曰犧象不

出門禮器廟堂之上壘尊在阼犧尊在西君西酌犧

象夫人東酌壘尊郊特牲疏諸侯但有黃彝莊子

釋文司馬云畫犧牛象以飾樽王肅云刻為牛頭

### 魯三代灌尊

明堂位灌尊夏后氏以雞夷殷以斝周以黃目疏明魯

有三代灌尊及所用之勺 儀禮注禁承尊之器也名  
之為禁者因為酒戒也

### 魯三代爵

明堂位爵夏以琖殷以斝周以爵正義此明魯有三代  
爵並以爵為形故并標名於其上

### 齊倅樽

韓詩外傳晉平公使范昭觀齊國之政范昭曰願君之  
倅樽以為壽景公顧左右曰酌寡人樽獻之客晏子對

曰徹去樽孔子聞之曰晏子不出俎豆之間折衝千里

晏子春秋曰晉平公使范昭觀齊國政景公觴之范昭起曰願得君之樽為壽公命左右酌樽以獻晏子命徹之去

漢桂尊 泰尊 大尊 鬯尊 山罍

志郊祀歌練時日一尊桂酒賓八鄉注晉灼曰尊大尊也元帝時太宰丞李元記云以水漬桂為大尊酒 景

星十二百末旨酒布蘭生泰尊柘漿析朝醒

泰尊有虞氏之尊泰

瓦用 傳梁孝王有鬯尊注鄭氏曰上蓋刻為山雲雷之

象

漢書作此字  
蓋以此飾壘

後傳馬融廣成頌山壘常滿 沈括

曰銅壘之飾皆古雲雷字相間禮象云先儒說壘刻木  
作雲雷形象施不窮也舊圖無雷止畫雲氣 博古圖  
周犧首壘腹著饜饜下作垂花蟲鏤引起間錯雲雷

漢玉卮 玉杯 玉觴

高紀九年冬十月置酒未央宮前殿上奉玉卮為太上  
皇壽注應劭曰飲酒禮器也古以角作受四升古卮字  
作觥師古曰卮飲酒圓器也 文紀十六年秋九月得

玉杯刻曰人主延壽令天下大酺明年改元注應劭曰

新垣平詐令人獻之 史記文十五年新垣平說上立

渭陽五帝廟欲出周鼎當有玉英見十七年得玉杯瑞應

圓玉英五常並脩則見 班固東都賦列金罍班玉觴 崔駰漢

明帝頌運斗杓以酬酢酌酒旗之玉卮 黃香天子冠

頌咸進酌于金罍獻萬年之玉觴 馮衍李尤有杯銘

前貢禹傳臣從之東宮太后宮見賜杯案畫文畫金銀

飾非所以賜食臣下也 後禮儀志百官賀正月二千

石以上上殿稱萬歲舉觴御坐前 靡足而爵靡舟而  
彘珍掩金罍制卑兕觥

漢上尊

平當傳賜上尊酒十石注如淳曰律稻米一斗得酒一  
斗為上尊稷米一斗得酒一斗為中尊粟米一斗得酒  
一斗為下尊師古曰作酒自有澆醇之異非必繫之米

漢壽觴 萬年觴

列傳叔孫通起朝儀云云以尊卑次起上壽觴九行



兒寬奉觴再拜上千萬歲壽 東方朔奉觴上萬歲壽

車千秋上壽上報曰敬不舉君之觴 後紀明帝永

平十七年公卿集朝堂奉觴上壽

壽老人之所欲故卑下奉觴進酒皆言上

壽 班超傳舉萬年之觴

漢羽觴 嘉觴

西京賦羽觴行而無算 外戚傳班婕妤賦酌羽觴兮

銷憂注孟康曰爵也作生爵形有頭尾羽翼 禮樂志

郊祀歌澹容與獻嘉觴至重觴神裝回神嘉虞申貳觴

晉志荀勗正旦大會王公上壽酒歌獻羽觴祈令終  
張華宴會歌羽爵無筭

漢彝器

文選張衡東京賦用息肩於大漢云云高既受命建家  
造我區夏文又躬自菲薄治致升平武大啟土宇紀禪  
肅然宣撫和戎狄呼韓來享銘勲彝器歷世彌光注宗  
廟之器稱彝

漢常滿尊

禮天官酒正大祭三貳中祭再貳小祭壹貳皆有酌數  
唯齊酒不貳皆有器量注酌器所用注尊中者杜子春  
云五齊以祭不益也其三酒人所飲者益也弟子職曰  
周旋而貳唯嘽之視玄謂三貳再貳一貳者就三酒之  
尊而益之也禮運曰玄酒在室醴醖在戶粢醞在堂澄  
酒在下澄酒是三酒也益之者以飲諸臣若今常滿尊也疏  
司尊彝云皆有壘諸臣所酢是飲諸臣也云若今常滿尊者  
益之故常滿以漢法況之 馬融廣成頌山壘常滿房

俎無空 宋何偃常滿尊銘曰斟酌賦受不踰其量

唐李文暎調民黃金造常滿尊以獻 十洲記周穆王

時西域獻夜光常滿杯

杯容三升

漢岐山銅器 酒尊 寶樽

章紀建初七年冬十月癸丑幸槐里岐山得銅器形似酒尊獻之又獲白鹿帝曰上無明天子下無賢方伯斯

器曷為來哉

宋志云詔在道晨夕以為百官熱酒

禮司尊彝注鄭司農

云舟車下臺若今時承槃疏漢時酒尊下槃象周時尊

下有舟故舉以為况 御覽蔡邕論銘曰漢獲齊侯寶  
樽於槐里 東觀記章帝時美陽得銅酒樽采色青黃  
有古文 古今注章帝章和年銅酒爵出河內泌水

崔駰樽銘曰惟歲之元朝賀奉樽金壘犧象嘉禮具存  
獻酬交錯萬國咸歡 蔡邕樽銘曰酒以成禮弗愆以

淫德將無醉過則荒淫盈而不冲古人所箴尚鑒茲器

茂勉厥心

晉孫綽亦有銘

馮衍爵銘曰富如江海壽配列真

選注引之又引李尤孟銘

漢金罍

玉壺

見佩類

士冠禮水在洗東注水器尊卑皆有金罍及大小異疏  
金罍亦漢制 少牢云設罍水於洗東有料注設水用  
罍沃盥用料 古文苑黃香天子冠頌咸進酌于金罍

東都賦列金罍 神異經西北荒有酒泉上有玉樽  
取一樽復一樽與天地同休飲此酒不死 博古圖有漢

建光卮銘曰建光中室有四又漢犧首杯匏斗螭首卮

雲電卮觶紋卮

無銘

魏陶樽

晉禮志魏氏光宅景初元年營洛陽南委粟山以為圓丘祀之日以始祖帝舜配房俎生魚陶樽玄酒

魏玉樽

宋志陳思王大魏篇豐年大置酒玉樽列廣庭

魏犧樽

見上魯犧尊

南史

晉犧樽

樂志祠廟饗神歌犧尊既奠清醑既載 西征記 戴延之

太極殿中有銅龍長三尺銅樽容三十斛正旦大會龍  
從土中受酒口吐之於樽中 鄴中記石虎正會殿前

有白龍樽作金龍於東箱西向龍口金樽受五十斛

孫綽有陽燧樽銘

晉白獸樽 杜舉遺式 白虎樽 詳見元會類

禮志江左元會設白獸樽於殿庭樽蓋上施白獸有  
能獻直言者則發此樽飲酒按禮白獸樽乃杜舉之



遺式白獸蓋後代所為示忌憚也 宋志云白虎樽

欲令言者猛如虎無所忌憚也 晉起居注穆帝升

平二年彭城計佐虞興發白虎樽 傅玄朝會賦詩

鳳虎之二樽清醕皆以淵停 齊建元二年有發白

虎樽者永明元年元日有發白虎樽 梁元會亦設

此樽 唐李君房白獸樽賦攫地空象夫鬚鬚揚睛

欲聞乎哮吼信履尾而不啞雖編鬚而何有樽則雲

飛而山峙獸乃白質而黑章物盛其容若眈眈其視

君能納諫遂諤諤而昌彼美猷然太階之前與諫鼓  
而齊致言必有章酌而飲焉 周有虎彘兕觥 博  
古圖有漢虎犂

晉玉觴

樂志天郊饗神歌享牲牲享玉觴鏡歌金靈運奠樽  
俎實玉觴 汝南王亮讌公卿以琉璃鍾行酒

宋紫玉爵

符瑞志王者不藏金玉則黃銀紫玉見泰始元年八

月得紫玉攻為二爵獻武文二廟

梁古樽

南史傳梁劉之遴獻古器四種於東宮其一鏤銅鴟  
夷榼二銘曰建平二年造二金銀錯鏤古樽二篆銘  
曰秦容成侯適楚之歲造三澡灌一銘曰元封二年  
龜茲國獻四澡盤一銘曰初平二年造齊劉悛於  
司州得古禮器銅壘瓶函山銅壘樽銅豆鍾各二獻  
之

唐尊彝 六彝 匏爵

六典太常寺武德中改隋奉禮郎為治禮郎永徽後為奉禮郎凡尊彝之制十有四祭祀則陳之一曰太尊二著尊三犧尊四象尊五壺尊六山壘七概尊八散尊九山尊十蜃尊十一雞彝十二鳥彝十三斝彝十四黃彝禮樂志祭祀之節有六三曰陳設祀之日設酒尊之位上帝太尊著尊犧尊山壘各二在壇上東南隅象尊壺尊山壘各二在壇下南陛之東配帝著尊義尊象尊

山壘各二在壇上五帝日月各太尊二在第一等內官  
每陛間各象尊二在第二等中官每陛間各壺尊二在  
第三等外官每道間各概尊二於下壇下衆星每道間  
各散尊二於內壇之外凡尊皆加勺畢五帝日月以上  
皆有坩以置爵也宗廟每座筆彝一黃彝一犧尊象尊  
著尊山壘各二在堂上壺尊二太尊二山壘四皆在堂  
下階間北向西上六曰進熟太尉洗匏爵酌醴齊進上  
帝前尊爵之數以太尊實汎齊著尊實醴齊犧尊實盎

齊山壘實酒皆二象尊實醴齊壺尊實汎齊皆二山壘  
實酒四以祀上帝皇地祇神州地祇著尊實汎齊犧尊  
實醴齊象尊實盎齊山壘實酒皆二以祀配帝著尊二  
實醴齊以祀內官犧尊二實盎齊祀中官象尊二實醴  
齊祀外官壺尊二實昔酒以祀衆星日月以上皆有坫  
迎氣五方五人帝以六尊惟山壘減上帝之半五方帝  
大享于明堂太尊者尊犧尊山壘各二五方帝從祀于  
圓丘以太尊實汎齊二五人帝從享於明堂以著尊實

醴齊皆二日月以太尊實醍齊著尊實盎齊皆二以山  
豐實酒一從祀於圓丘以太尊二實汎齊神州地祇從  
祀于方丘以太尊二實汎齊五官五星三辰后稷以象  
尊實醴齊七宿以壺尊實沈齊皆二蜡祭神農伊耆氏  
以著尊皆二實盎齊田畯龍麟朱鳥騶虞玄武以壺尊  
實沈齊鱗羽羸毛介丘陵墳衍原隰井泉水墉坊郵表  
畷虎貓昆蟲以散尊實清酒皆二嶽鎮海瀆以山尊實  
醍齊山川林澤以蜃尊實沈齊皆二伊耆氏以上皆有

坫太社以太罍實醴齊著尊實盎齊皆二山罍一太稷  
后稷氏亦如之其餘中祀皆以犧尊實醴齊象尊實盎  
齊山罍實酒皆二小祀皆以象尊二實醴齊宗廟祫享  
室以筭彝實明水黃彝實鬯皆一犧尊實汎齊象尊實  
醴齊著尊實盎齊山罍實酒皆二設堂上壺尊實醴齊  
太尊實沈齊山罍實酒皆二設堂下禘享雞彝鳥彝一  
時享春夏室以雞彝鳥彝一秋冬以筭彝黃彝一皆有  
坫七祀及功臣配享以壺尊二實醴齊別廟之享春夏



以雞彘實明水鳥彘實鬯皆一犧尊實醴齊象尊實盎  
齊山罍實酒皆二秋冬以竿彘黃彘皆一著尊壺尊山  
罍皆二凡祀五齊之上尊必皆實明水山罍之上尊必  
皆實明酒小祀之上尊亦實明水此尊爵之數也凡尊

設于神座之左而右向

五帝日月以上  
皆有站以置爵

設御洗于午陛

東南亞終獻同洗卯陛之南皆北向罍水在洗東篚在  
洗西南肆玉幣之篚於壇上下尊站之所 百官志良  
醞令掌五齊三酒享太廟則供鬯鬯以實六彘門下侍

郎大祭祀奏匏爵贊獻 裴度黃目尊賦動明酌而曼  
睪騰光澄舊汙而圓規納照

唐壽尊 醴尊

禮志元正冬至朝賀設壽尊於殿上東序之端西向設  
坫於尊南加爵一上公詣酒尊所北面尚食酌酒一爵  
授上公公受爵授殿中監殿中監受爵置御座前上  
公北面再拜上千萬歲壽侍中承制稱敬舉公等之觴  
又皇帝加玄服尚食實醴尊於東序升帷內坫在尊北

通典千秋節受朝賀於樓上御座之東置壽尊  
又於樓前之東南置壽尊皆有蓋竿尚食酌酒以  
授殿中監上千萬歲壽 南齊太宮元日上壽銀  
酒鎗

唐象尊

禮志皇后享先蠶升自壇南陞詣酒尊尚儀贊酌  
醴齊尚儀以爵酌上尊福酒西向進皇后再拜受  
爵貴妃自東陞升壇酌盞齊于象尊 禮象云舊

傳象尊畫象或為象載尊或以其齒飾之亦或空其腹為尊頃見古銅象尊三足象其鼻形望而視之真象也

唐嘉爵

禮志皇子冠賓詣尊所取爵酌酒進皇子筵前北向立祝曰旨酒既滑嘉薦伊脯乃申其服禮儀有序祭此嘉爵承天之祐

唐黃金瓶 胡瓶

見賜予器物類

唐朱提瓶

回紇傳貞觀二十一年入朝

正月丙申

帝坐便殿

天咸殿

陳十

部樂殿前設高坵置朱提瓶其上潛泉浮酒自左門通坵注之瓶轉受百斛鐐盜回紇數千人飲畢尚不能半

朱提縣山出銀見漢書朱提銀重以八兩為一流諸葛亮書云漢嘉金朱提銀唐志曲州故朱提郡

北門學士胡楚賓屬文敏甚高宗命作文常以金銀栝料酒飲之文成輒賜焉禁中銀餅大者高五尺餘江西

李兼獻高六尺者貞元十二年誕日及端午齊映獻高八尺餘者

唐鶴尊

朝野僉載唐韓王元嘉有銅鶴樽背上注酒則一足倚滿則正不滿則傾側

唐古銅樽

闕三字開元九年三月汝州奏魯山縣之堯山有白鵲見於許昌縣之唐祠掘地得古銅樽上又隱起雙鯉篆

書文曰宜子孫請付史官從之長慶二年九月廊坊得  
古銅器一有篆文表獻之

唐彝尊銘

崔渙傳為亳州司功參軍還調於是入判者千餘吏部  
侍郎嚴挺之施特榻試彝尊銘曰子清廟器故以此題  
相命

唐彝尊龍勺

牛僧孺傳開成三年為左僕射以足疾不任出為

山南東道節度使文宗賜彛樽龍勺詔曰精金

古器以比君子卿宜少留僧孺固請乃行

碑云賜清

廟器六事皆範金飾玉如古制奇章誌曰黃昇構龍勺凡二品名出周禮

明堂

曰夏后氏以龍勺注龍頭也用挹六彛之鬱以

注珪瓚

淳化神龜壽樽

淳化元年十月高麗王治獻神龜壽樽

祥符飲福上樽



祥符元年九月壬戌禮儀使言皇帝飲福酒以上樽太尉而下以罍今告廟及封禪望令尚食奉御於上樽酌酒以進以交神明之福從之十月辛亥享園臺上飲福酒十二月丁酉內出泰山封祀上樽酒及玉女白龍王母池水新醴泉賜輔臣唐志太祝以爵酌上尊福酒合置一爵持爵授侍中以進皇帝受爵

慶曆玉竿 飲福金竿 郊廟祭器 皇祐宗

廟祭器

慶曆七年八月二十四日丙寅御崇政殿召近臣觀御書真宗加謚位版又觀新作郊廟祭器以景表尺較其制度未合者悉令改造太常禮院請皇帝獻天帝配帝坐以匏爵亞獻以木爵親祠太廟酌以玉斝亞獻以金斝郊廟飲福皇帝皆以玉斝詔飲福惟用金斝亞終獻酌銀斝八年五月甲辰知制誥呂公綽典領制造郊廟祭器十一月戊戌御延和殿

一云崇政殿

召輔臣兩制觀新

造祭器皇祐五年六月乙亥御紫宸殿奏樂觀宗廟祭  
器 宋朝郊廟陳樽罍之數皆准古而不實以五  
齊三酒及明水明酒其郊廟天地配位止一樽酌  
獻一樽飲福餘皆虛器慶厯元年十月壬辰同判  
太常呂公綽請實樽罍配以明水明酒從之 會  
要凡酒齊皇帝初獻用玉斝亞獻用金斝終獻用  
瓢斝餘皆用爵 維帝之德如玉之溫繼帝之孝  
如湑之醇

皇祐玉爵 金筭 匏爵 元豐玉爵

皇祐二年九月二日禮儀使言太廟一人奉玉爵及飲福金筭三人奉亞獻三獻飲福銀筭明堂一人進匏爵并飲酒金筭二人奉亞獻三獻木爵及飲福銀筭三人奉分獻木爵元豐三年八月二十一日詳定禮文言隋志曰明堂之禮方郊為文則不容陶匏請以玉爵代匏爵其豆登簋俎尊罍並用宗廟之器從之紹興四年五月王普言政和新儀宗祀上帝吏部侍郎跪取玉爵於

篚則不用陶匏久矣二十五日禮官言陶匏用於郊丘  
玉爵用於明堂今明堂兼郊禮而舉之器用陶匏蓋未  
可易

元豐宗廟尊彝

元豐元年九月十七日詳定禮文所言周禮宗廟尊彝  
之數隨時而設欲春嗣夏禴用雞彝一鳥彝一犧尊二  
象尊二罍六秋嘗冬烝用斝彝一黃彝一著尊二壺尊二  
罍六大祫從鄭衆說用虎彝一雉彝一大尊四山尊六

罍六為十八尊禘享如禘但減山尊二為十六尊以本  
周禮南郊禘祫舊無大尊至是皆正之

元豐百寶酒船

元豐二年四月癸卯太皇太后皇太后幸金明池上扶  
太皇太后登輦又豫為百寶酒船於是持以上壽

文王尊彝 周尊

紹聖間宗室仲忽獲此器以獻有旨下秘閣考驗仲忽  
以器銘上一字與小篆函字相類遂讀為魯曰此魯公享

周文王廟器也館中以為偽仲忽坐罰金其器猶藏秘

閣 嘉定十六年十月以蜃樽一藏秘府易名周竿禮

人山川四方用之

### 紹興金爵 玉爵

紹興十年九月辛亥祀明堂始用飲福金爵政和大禮舊用萬壽

玉尊今以金爵代之十三年親祠內出古制爵以易雀背負醜

之陋二月二十七日臣僚請效宣和博古圖改造

祭器十二年十二月禮官言親饗太廟飲福用玉

爵今欲權用金爵三十二年七月孝皇饗廟禮官  
請用玉爵 紹興五年正月以韓世忠劉光世張  
俊為淮東西江東宣撫使壬申朝辭命內侍出金  
盤尊竿賜酒一行并以所飲器賜之 博古圖高

克尊銘曰惟十有六年十月既生魄乙未伯太師  
錫伯克僕山夫伯克敢對揚天祐王伯友用作朕穆  
考後仲尊高克用丙眉壽無疆克克其子子孫孫永

寶用享 師餘尊銘曰王汝上侯師餘從王夜功錫師餘



金餘則對揚乃德用作乃文考寶彝孫孫子子寶名

公尊

銘七十  
二字

卣銘曰穆從師淮父成於古阜茂歷錫

貝山錡穆拜稽首對揚師淮父休用作文考日乙寶尊

彝其子子孫孫永福 樂大司徒子象之子洪作旅卣

其眉壽子子孫孫永寶用 丙寅王錫賓朋用作母乙

彝

上尊曰彝中尊  
曰卣下尊曰壺

已舉彝

季公麟得古爵于壽陽紫  
金山腹有二字曰已舉王

卣獲古爵于洛下  
有二字曰丁舉

邊豆

爾雅木豆謂之豆竹豆謂之籩注禮器也

夏四璉 殷六瑚 周八簋

明堂位有虞氏之兩敦夏后氏之四璉

說文作璉

殷之六瑚

周之八簋注皆黍稷器疏鄭注周禮舍人云方曰簋圓

曰簋鄭注論語云夏曰瑚殷曰璉者誤也

陳氏曰瑚以玉簋以竹為

之春秋正義記明堂位夏器名璉殷器名瑚而包咸鄭玄等注論語賈服杜注左傳皆云夏曰瑚

詩

伐木陳饋八簋權輿每食四簋 易損卦彖云二簋可

用享

以木為之

地官饗人凡賓客共簋簋之實

考工

記旒人為簋實一敵崇尺厚半寸脣寸豆實三而成敵  
崇尺疏祭宗廟皆用木簋今此用瓦簋祭天地及外神  
尚質器用陶匏之類也 祭統祭者八簋之實美物備  
矣祭有餼以四簋黍 禮器管仲鏤簋注天子飾以玉  
堯舜土簋

夏揭豆 殷玉豆 周獻豆

明堂位夏以揭豆殷玉豆周獻豆注揭無異物之飾也  
獻素何反疏刻之 方氏曰揭豆以木為柄若蜡氏之

揭而已玉豆於揭之上又飾之以玉獻豆若周官再獻之獻

禹雕俎

唐書褚遂良傳禹雕其俎諫者十餘不止

周四邁 四豆

天官籩人

卷一 人

掌四邁之實朝事之邁其實麩黃白黑

形鹽膾鮑魚鱠饋食之邁其實棗栗桃乾榛榛實加邁

之實凌芡棗脯

疏重言之 則八邁

羞邁之實糗餌粉粢注邁竹

器如豆者其容實皆四升朝事謂祭宗廟薦腥之事

疏云

朝踐饋食薦孰也加籩謂尸既食后亞獻尸所加之籩羞

籩謂若少牢主人獻尸宰夫薦房中之羞于尸侑主人

主婦皆右之 凡祭祀共其籩薦羞之實喪事及賓客

共薦籩羞籩

醢人

卷一

掌四豆之實朝事之豆

亦謂朝踐

其實韭菹醢醢昌本麋鷓菁菹鹿鷓茆菹麋鷓饋食之豆

其實葵菹羸醢脾析麇醢蜃蚘醢豚拍魚醢加豆之實

芹菹兔醢深蒲醢醢苴菹鴈醢筍菹魚醢羞豆之實醢

食糝食凡祭祀共薦羞之豆實賓客亦如之 疏籩是  
竹器依漢禮器制度而知也云如豆者皆面徑尺柄尺  
亦依漢禮知之朝事謂祭宗廟二灌之後祝延尸於戶外  
后薦此八籩儀禮特牲少牢士二籩二豆大夫四籩四  
豆諸侯宜六天子宜八醢人饋食之豆有八籩人饋食  
之籩言六不類上文朝事之籩言八下加籩亦八豆與  
籩並設節數與四籩同時 周語品其百籩修其簠簋  
禮器天子之豆二十有六籩豆之薦四時之和氣也

周玉豆 魯玉豆雕篋

春官內宗掌宗廟祭祀薦加豆籩及以樂徹則佐傳豆  
籩 外宗佐王后薦玉豆貶豆籩以樂徹亦如之王后  
以樂羞齋則贊 大宗伯大祭祀王后不與則攝而薦  
豆籩徹 夏官司士帥屬割牲羞俎豆 郊特牲云云  
疏掌客云上公豆四十侯伯三十二子男二十四禮器  
云天子之豆二十有六諸公十六諸侯十二上大夫八  
下大夫六 公羊傳注  
云士三 明堂位魯祀周公於太廟灌用

玉瓚大圭薦用玉豆雕篋注篋籩屬以竹為之雕刻  
飾其直疏玉豆以玉飾豆下云殷玉豆是也篋籩也  
形似筥雕鏤其柄 武王於觴豆為銘 考工記以  
瓦為豆 醢人四豆以木 齊晏子言四升為豆以  
金為之 公羊傳田狩一曰乾豆注豆祭器名狀如  
鐙

周房俎

夏巖

殷楨

明堂位季夏六月以禘禮祀周公于太廟俎用梳巖



注梳始有四足也。巖為之距，疏兩代俎也。虞俎名梳，按禮圖云：梳長二尺四寸，廣二尺二寸，高一尺。諸臣加雲

氣，天子犧飾之。虞氏尚質，未有餘飾。夏漸文，夏俎名巖

亦如梳而橫柱四足。中央如距，賀云：直有腳曰梳，加腳

中央橫木曰巖。巖為之距，猶少窄。禮言俎距也。俎足間有橫，似有橫屨之象。俎有虞

氏以梳。夏后氏以巖，殷以棋。周以房俎。注梳，斷木為四

足。巖之言屨也。謂中足為橫距之象。周禮謂之距，棋之

言枳距也。謂曲撓之也。疏：棋枳之木枝多。房謂足下跗

曲撓殷俎似之。

也上下兩間有似於堂房魯頌曰邁豆大房 魯頌注  
大房半體之俎疏引明堂位曰周以房俎周語云王公  
立飫則有房烝云云周公之廟用椀巖魯公之廟用大  
房 陸氏曰椀所謂全烝 陳氏曰詩言大房傳言房  
烝此房俎也少牢禮言俎距此橫距也雕俎始於禹  
韓非子堯有天下飯於土簋飲於土劔舜作為食器流  
漆墨其上禹作為祭器墨染其外而朱畫其內觴酌有  
采樽俎有飾此彌侈矣

漢箕器

史記鄭當時傳餽遺人不過箕器食注徐廣曰箕先管  
反竹器索隱曰言無銅漆也漢書作具器食

漢嘉籩 籩豆

禮樂志郊祀歌惟泰元章嘉籩列陳庶幾宴享 後  
禮儀志注春秋釋河曰漢家郡守行大夫禮鼎俎籩豆  
工歌

唐宗廟籩豆 光祿式

六典奉禮郎凡祭器之位簋簋為前登鉶次之籩豆為後每坐四簋四籩次以六鉶六登籩豆為後會要永徽二年禮部尚書許敬宗言按光祿式祭天地日月嶽瀆先蠶籩豆各四宗廟籩豆各十二社稷先農等各九風雨師等各二籩豆以多為貴宗廟乃踰于天請大祀十二中祀十小祀八詔可傳云顯慶中乾封元年六月二十三日詔宗廟薦享爵及簋籩登鉶各宜別奠開元二十三年正月十八日敕令以籩豆之薦未能備物詔禮官學士

共議太常卿韋縉請宗廟籩豆皆加十二又奠爵小宜

增大之

韋縉傳同

兵部侍郎張均職方郎中韋述議曰物有

品器有數不可變古從俗舊制一升曰爵五升曰散禮

凡宗廟貴者以爵賤者以散此貴小賤大以示節儉請

如故賓客崔沔曰未有進時饌用古器者徒以近侈見

訾縉又請室加籩豆各六每四時以新果珍羞實之制

可天寶五載四月十六日每室加常食一牙盤貞元九

年十二月博士韋彤裴堪等議曰禮經前代故事宗


廟無朔望祭食之儀園寢則有自貞觀至開元修定禮  
令皆遵舊典天寶十一載閏三月初九日初令尚食  
朔望進食于太廟禮司無著令 禮志載籩豆簋簠  
鉶之實 博古圖銘曰叔邦父作簋用征用行用從君  
王子子孫孫其萬年無疆 京叔作饗簋其萬壽永寶  
用 單疑生作養豆用享 彊伯作旅匱其子子孫孫  
永寶用 周太師望簋銘曰大師小子師望作鬯彝  
劉公鋪銘曰劉公作杜孺尊鋪永寶用

是器形若豐然  
豆類豐似豆而

早

劉敞在長安得煮簋銘曰叔高父作煮簋其萬年

子子孫孫永寶用



玉海卷八十九

欽定四庫全書

子部

玉海卷九十

詳校官給事中臣查善長

主事臣祁韻士覆勘

總校官進士臣朱 鈐

校對官學政臣翁樹棠

謄錄監生臣戴 瑛



欽定四庫全書

玉海卷九十

宋 王應麟 撰

器用

賜予器用

春秋傳曰夫有勳而不廢有績而載奉之以土田撫之以彝器旌之以車服明之以文章子孫不忘所謂福也

### 舜賜車服

舜典五載一巡守羣后四朝敷奏以言明試以功車服以庸注諸侯四朝各使陳進治禮之言明試其言以要其功功成則賜車服以表顯其能用

又益稷注以功大小為差

疏人

以車服為榮故天子之賞諸侯皆以車服賜之覲禮云天子賜侯氏以車服是也

覲禮注賜車者同姓金路異姓象路服則袞鷩毳

周分物 彝器 錫命諸侯

左傳定四年三月劉文公合諸侯于召陵蔡將先衛子

魚祝謂萇弘曰昔武王克商成王定之選建明德以藩

屏周故周公相王室以尹天下於周為睦分魯公以大

路金大旂夏后氏之璜

魯語古者分同姓以珍玉  
注玉謂若夏后氏之璜

封父之繁弱

大弓名

殷民六族

條徐蕭索長  
勺尾勺氏

分之土田陪

敦祝宗卜史

凡四官

備物典策官司彝器

常用器蓋樽  
費俎豆之屬

因

商奄之民命以伯禽而封於少皞之虛分康叔以大路

少帛績棧旃旌大呂

鍾名  
陶施繁錡樊  
饑終葵氏

封畛土

略自武父以南及圃田之北竟聘季授土陶叔授民命

以康誥而封於殷虛皆啟以商政疆以周索法也分唐叔

以大路密須之鼓闕鞏甲名姑洗鍾名懷姓九宗職官五正

命以唐誥而封於夏虛啟以夏政疆以戎索太原近我三者

皆叔也而有令德故昭之以分物不然文武成康之伯

猶多而不獲是分也 昭十二年楚子謂子革曰昔我

先王熊繹與呂伋齊王孫牟衛變父晉禽父魯並事康

王四國皆有分分珍寶之器我獨無有云云十五年十二月

晉荀躒如周以文伯宴搏以魯壺魯所獻壺搏王曰諸侯皆

有以鎮撫王室晉獨無有籍談對曰諸侯之封皆受

明器於王室故能薦彝器於王

謂可常寶之器

王曰叔父唐叔

成王之母弟也其反無分乎密須之鼓與其大路文所

以大蒐也闕鞏之甲武所以克商也唐叔受之以處參

虛正有戎狄其後襄之二路

大路戎路

鉞鉞鉅鬯彤弓虎賁

文公受之以有南陽之田撫征東夏非分而何夫有勲

而不廢有績而載奉之以土田撫之以彝器旌之以車

服明之以文章子孫不忘所謂福也書旅焚四夷獻

方物王乃昭德之致于異姓之邦無替厥服分寶玉于

伯叔之國時庸展親人不易物惟德其物 書序武王

既勝殷邦諸侯班宗彝

班宗廟彝器  
酒樽賜諸侯

作分器

史記衛

世家成王舉康叔為周司寇賜衛寶祭器 家語肅慎

氏貢矢以分太姬配胡公而封諸陳 詩韓奕美宣王

能錫命諸侯王錫韓侯淑旂綏章篚第錯衡玄衮赤舄

鈎膺鏤錫鞞鞞淺鞞絛革金厄 江漢釐爾圭瓚秬鬯

一卣告于文人錫山土田于周受命自召祖命 閱宮

乃命魯公俾侯于東錫之山川土田附庸 公羊傳定

八年寶者何璋判白

圭半

弓繡質

言大者力千斤

龜青純

千歲之龜青髀

明于吉凶此皆魯始封之錫

文十三年傳封魯公以為周公也周

公拜乎前魯公拜乎後

注始受封時拜于文王廟也

魯祭周公何以

為牲周公用白牡

殷牲

魯公用騂牝

周牲

羣公不毛

不純色

何

以為盛周公盛魯公燾羣公廩

### 周錫乘馬

詩崧高王錫申伯四牡躡躡鈞膺濯濯王遣申伯路車

乘馬 采菽君子來朝何錫予之路車乘馬玄衮及黼

韓奕乘馬路車 卷阿君子之馬既閑且馳 書平

王錫晉侯馬四匹 易康侯用錫馬蕃庶

周齒杖

禮伊耆氏掌國之大祭祀共其杖咸

所以盛杖 大祭祀尚敬雖老者亦弗杖

故為之共杖咸

軍旅授有爵者杖共王之齒杖

王所以賜老者八十杖於朝

曲禮大夫七十致事若不得謝必賜几杖 武王有杖銘

魯四代服器官



明堂位鸞車有虞氏之路也鉤車夏后氏之路也大路

殷路也乘路周路也

四代有車

有虞氏之旂夏后氏之綏殷

之大白周之大赤

四代旌旗

夏后氏駱馬黑鬣殷人白馬黑

首周人黃馬蕃鬣夏后氏牲尚黑殷白牡周騂剛

三代之馬

及牲色不同

泰有虞氏之尊也山罍夏后氏之尊也著殷尊

也犧象周尊也

四代尊

爵夏以琖

詩行葦注夏曰琖

殷以斝周以

爵

三代爵

灌尊夏以雞夷殷以斝周以黃目其勺夏后氏

以龍勺殷以疏勺周以蒲勺

三代灌尊及勺

土鼓黃桴鞀籥伊

耆氏之樂也拊搏玉磬指擊大琴大瑟中琴小瑟四代

之樂器也

古代及四代樂器

魯公之廟文世室也武公之廟武

世室也

二廟

米廩有虞氏之庠也序夏后氏之序也瞽宗

殷學也類宮周學也

四代之學

崇鼎貫鼎大璜封父龜天子

之器也越棘大弓天子之戎器也夏后氏之鼓足殷楹

鼓周縣鼓垂之和鐘叔之離磬女媧之笙簧夏后氏之

龍篥虞殷之崇牙周之璧翬

三代樂縣之飾

有虞之兩敦夏之

四璉殷之六瑚周之八簋俎有虞氏以琯夏后氏以巖

殷以棋周以房俎夏以楛豆殷玉豆周獻豆

籩俎言四  
代豆言三

代有虞氏服韍夏后氏山殷火周龍章

四代  
韍制

有虞氏祭

首夏后氏祭心殷祭肝周祭肺夏后氏尚明水殷尚醴周尚

酒

祭言四代  
酒言三代

有虞氏官五十夏后氏官百殷二百周三

百

四代  
官

有虞氏之綏夏后氏之綢練殷之崇牙周之璧

鬃

四代喪葬  
旌旗之飾

凡四代之服器官魯兼用之

正義曰或用  
三代或用四

代隨其禮存者而用之耳又曰  
言伊者女媧非唯四代而已

魯之郊禘惠公請之也

記禮者以為成王賜之以康周公

漢賜金

高紀六年三月上心善太公家令言賜黃金五百斤

文紀元年十月賜太尉勃金五千斤丞相平將軍嬰二

千斤朱虛侯章襄平侯通典客揭千斤 列傳叔孫通

起朝儀賜金五百斤 竇嬰為大將軍賜金千斤 衛

青賜千金 東方朔武帝賜黃金三十斤 廣陵王元

鳳中入朝賜黃金二千斤 杜延年為北地太守郡中

萍靜賜黃金二千斤

東郡守  
王尊同

黃霸循為潁川太守賜

黃金百斤

一又云孝宣時二十石有治理效以璽書勉厲增秩賜金潁川黃霸治第一賜黃金百斤

龔遂賜黃金贈遣

衛吏

韋賢為丞相地節三年賜黃

金百斤罷歸加賜第一區丞相致仕自賢始 尹翁歸

元康四年卒家無餘財天子賢之賜子黃金百斤 霍

光賞賜前後黃金七千斤 趙充國乞骸骨賜黃金六

十斤 張敞拜膠東相賜黃金三十斤 夏侯勝撰尚

書論語說賜黃金百斤 疏廣為太子太傅上疏乞骸

骨賜黃金二十斤皇太子贈以五十斤 于定國罷賜

黃金六十斤

薛廣德同

陳湯加賜黃金百斤

太常安丘侯劉常同

揚雄上書賜帛五十四黃金十斤

漢安車駟馬

杜延年趙充國薛廣德史高安丘侯劉常廣陵王胥皆

賜安車駟馬

師古曰安車坐乘之車也

晉賜王祥鄭冲陳騫安車駟

馬

漢靈壽杖 唐靈壽杖

孔光傳詔賜太師靈壽杖注服虔曰靈壽木名師古曰

木似竹有枝節自合杖制不須削治 李尤銘曰甘泉

潤根清露流莖乃制為杖扶危定傾 王桀有頌 元

狩元年張騫言使大夏時見邛竹杖 唐書李靖傳遷

右僕射 貞觀四年八月甲寅 乞骸骨帝遣岑文本諭旨曰自古富

貴而知止者少公今引大體朕成公美為一代法 八年十月

丙寅 乃授特進就第三日一至中書門下平章政事加賜

靈壽杖 舊史九年正月賜表云八年十一月辛未罷為特進 詩釋文積即今

靈壽也節中腫以扶老

漢賜筆墨 赤管筆

揚雄書賜筆墨錢六萬得觀書石渠

段成式送墨云給  
蘭臺率以六石

漢官漢制尚書郎作文書起草月賜赤管大筆一雙

隄麋墨一枚 文房四譜漢書云尚書令僕射丞郎官

月給大筆一雙篆題曰北宮工作 張安世持橐簪筆

事孝武 司馬相如荀悅並尚書給筆札 魏明帝見

殿中侍御史簪白筆側階而立 唐李白撰詔誥宮嬪

執牙筆



漢賜乘馬

傅光武解左驂賜破虜將軍賈復 建武十一年

引見并州牧郭伋賞賜車馬衣服 二十二年為太中大夫賜宅一

區及帷帳錢穀 二十八年賜少傅桓榮輜車乘馬 引見

趙熹賜鞍馬待詔公車 見杜林賜車馬衣被

名任延為九真守賜馬雜繒 建武初 永平六年召

韋彪拜謁者賜車馬衣服十二年賜太僕祭彤馬

三匹十五年魯恭從狩南陽賜駙馬從駕王景拜

河隄謁者賜車馬繅錢 張圃以尚書教授賜車  
馬衣裳 建初三年賜東平王蒼琅邪王京書遺  
宛馬一匹 鄧騭征羌班師大會羣臣賜束帛乘  
馬 前紀元帝初元五年四月賜宗室子有屬籍  
者馬一匹至二駟

漢賜奇果 唐賜果

桓榮傳為博士入會庭中詔賜奇果受者皆懷之榮獨  
手捧帝曰真儒生也 馬武傳遠方貢珍甘必先徧賜

列侯而太官無餘 東平王蒼傳賜太官分食物珍果  
唐書陳叔達賜食得蒲陶不舉歸奉母因賜之 蕭

嵩傳荊州進黃甘帝以紫帟包賜之 裴諗傳為學士

承旨宣宗幸其院取御奩果以賜 文藝傳中宗置修

文館學士凡天子饗會游豫唯宰相及學士得從春幸

梨園賜細柳園夏宴蒲陶園賜朱櫻秋登慈恩浮圖

獻菊花酒稱壽冬幸新豐賜浴湯池給香粉蘭澤從

行給翔麟馬

漢玉杖 鳩杖 唐鳩杖

紀永平二年十月幸辟雍初行養老禮詔曰云云注養

三老五更三老扶玉杖五更不杖

又見禮儀志

仲

秋之月縣道皆案戶比民年始七十者授以玉杖舖之

糜粥八十九十禮有加賜玉杖長尺端以鳩鳥為飾

舊說

鳩不噎欲老人食不噎故以為飾周禮羅氏仲春獻鳩以養國老取春物始化以助生氣非獨取不噎之意

五鳩鳩民

傳光武初即位賜卓茂几杖車馬衣一襲絮五

百斤永建二年召樊英設壇賜几杖待以師傅之禮靈

帝以表逢為三老賜以玉杖 唐紀玄宗開元二年九

月丁酉宴京師侍老于含元殿賜九十以上几杖八十

以上鳩杖婦人亦如之賜于其家

又見養老類

幽求子曰

五歲有鳩車之樂 博古圖有漢鳩杖首斂

漢賜珍寶衣服

見冕服類

漢賜帛

見上

漢賜玉玦

東觀漢記明帝詔曰馮魴以忠孝出入八年數進忠言  
正諫賜以玉玦

漢賜玉壺金錯鈎佩

楊賜傳光和四年拜太常詔賜御府衣一襲自所服冠  
幘綬玉壺革帶金錯鈎佩 隋志東觀記楊賜拜太常  
詔賜自所著革帶

魏延年杖

通鑑魏黃初二年十月己亥公卿朝朔旦引揚扈待以

客禮賜延年杖馮几

又見續漢書

傳魏文帝以扈為太尉

扈辭乃授光祿大夫賜几杖衣袍朝會引見令扈著布單衣鹿皮冠杖而入待以賓客之禮博古圖有漢蟠

龍蟠螭杖頭

後周武帝以于謹為三老賜延年杖

後魏高允傳太和二年告歸明年賜蜀牛一頭四望蜀車一乘素几杖各一蜀刀一口又賜珍味春秋常致之

晉賜麟角筆管

武帝以賜張華

唐賜良馬

列傳劉世讓高祖賜良馬金帶 韋挺太宗伐遼東親  
解貂裘及中殿馬以賜 李靖賜尚乘馬二平江南賜  
馬百匹 張行成太宗賜名馬一 魏徵上疏列為屏  
障賜馬二匹 薛仁貴為中郎將高宗賜御馬 趙  
弘智講孝經賜名馬一 岑義修中宗實錄睿宗賜  
良馬一 郭子儀肅宗賜御馬 孫思邈上元元年



賜良馬 李晟貞元三年三月賜良馬 張建封貞元  
十三年賜名馬 孔述睿德宗賜第宅給以廐馬 張  
茂昭入朝宴麟德殿賜良馬 鈞轡藻鞞

唐賜金

又見下

蕭德言傳高宗立拜銀青光祿大夫乘輿至肅章門引  
見禮遇隆重晉府及東宮舊臣子孫並增秩賜金 殷  
侑傳開成元年召為刑部尚書問治安術言宜任者德  
帝賜綵三百匹又賜黃金十斤以酬直言

唐黃金餅

秦瓊傳事秦王府從破尉遲敬德功多帝賜以黃金餅

一作瓶

列傳蕭瑀奏便宜數十條高祖手勅賚黃金一函以報薛

收為天策府記室上書諫王止田獵王荅曰明珠兼乘未若一

言賜黃金李絳元和中為相帝曰言骨鯁真宰相也遣使

者賜醪醕酒李晟城鹽州復故池以新鹽賜宰相後

魏崔浩論事賜御縹膠十觚水精戎鹽一兩曰朕味卿言

如此鹽酒

唐賜胡餅 金壺瓶

李大亮傳貞觀中

通監三年十一月癸卯

為涼州都督常有臺使

見名鷹諷大亮獻之大亮密表曰陛下絕田獵久矣而使者求鷹信陛下意耶乃乖昔旨如其擅求是使非其才太宗報書曰有臣如此朕復何憂古人以一言之重

訂千金今賜胡餅一雖無千鎰乃朕所自御又賜荀悅

漢紀曰悅議論深博極為政之體公其繹味之

政要云今賜卿

金壺瓶金  
梳各一枚

實錄貞觀三年十一月癸卯謂侍臣曰大

亮表云云賜金壺以彰忠諫

唐賜佩刀

政要貞觀三年魏徵上書賜金甕一口十三年上  
疏漸不克終十條太宗謂曰列為屏障朝夕瞻仰  
賜黃金十斤廐馬二匹 通鑑貞觀十二年三月

丙子以皇孫生宴于東宮賜房玄齡魏徵佩刀

詳見

兵器類

唐金背鏡 賜鍾乳

傳高馮字季輔貞觀初授太子右庶子會要云中書舍人數上

書言得失

貞觀九年云十七年上疏政要

賜鍾乳一劑曰卿進藥石

之言朕以藥石相報後為吏部侍郎善銓叙人物太宗

賜金背鏡一况其清鑒

通典十七年季輔知選十八年獨知選事賜金背鏡政要諫

議谷那律賜帛加以金帶

唐飛白扇

見御書類貞觀中

唐賜銀鍾

傅杜淹為天策府兵曹文學館學士常侍宴賦詩尤工  
賜銀鍾 太宗賜鄴王元亨金醖 宋賜蕭思話銀鍾  
酒

唐賜金鏡珠囊

舊紀開元十七年八月癸亥以誕日燕花萼樓百寮表  
請以每年八月五日為千秋節王公已下獻鏡及承露  
囊 十八年八月丁亥上御花萼樓以千秋節百官獻  
賀賜四品以上金鏡珠囊縑綵五品以下束帛上賦八

韻詩

唐賜鞭

張建封傳拜徐泗濠節度使貞元十三年來朝見延英  
賦朝天行以獻眷遇異等賜名馬珍具上巳賜宴曲江  
還鎮帝賦詩以餞又使左右以所持鞭賜之曰卿節義  
歲寒弗渝故用此為況 後周賜楊素以竹策曰欲大  
相驅策故賜此物 楚辭天問伯昌號哀秉鞭作牧王  
逸云文王為雍州牧

唐賜羣臣襲衣

傳李元紘開元初戶部侍郎條政得失帝才之謂可丞

輔賜衣一稱絹二百匹明年

十四年四月丁巳

拜中書侍郎平

章事五月五日

丁丑十五年

宴武成殿賜羣臣襲衣特以紫

服金魚錫元紘及蕭嵩羣臣無與比李朝隱開元中

為同州刺史玄宗東幸召見慰勞賜衣帛陸贄在翰

林帝親倚至解衣衣之舊紀貞元七年三月壬申詔

賜衣文綵不常非制也朕今思之宜有定制節度使宜



以鵝銜綬帶觀察使宜以鴈銜威儀威儀瑞草也 劉  
禹錫謝春衣表在身不稱恐招鵜翼之譏居任無功叨  
受鶴紋之賜謝冬衣表三軍挾纊九月授衣 權德輿  
謝端午賜衣表佩長命之縷俾壽而臧捧在笥之衣既  
安且吉 宋朝十月旦賜錦襖學士觀察使簇四金鵬  
尚書執政八搭暈錦宰相天下樂

唐白羽扇

張九齡集開元二十四年盛夏賜宰相白羽扇九齡作

賦曰肅肅白羽穆如微風縱秋氣之移奪終感恩於篋

中

傳同

孫逖為宰相表云賜竹扇及聖贊世本武王

始作筵

庾肩吾團扇銘曰武王造扇

班固有白綺

扇賦

漢尚方竹扇名曰九華

曹植作賦

以賜常侍諸葛

孔明持白羽扇拍麾三軍

晉顧榮以白羽扇麾之陳

敏軍潰

陸機有羽扇賦

宋謝惠連有白羽扇贊

對越休命奉揚玄風

唐佩筆

見上類 武后賜陳子昂筆札中書省令條上 德宗  
賜渾瑊御筆一管

唐宮錦 瑞錦

封敎傳為翰林學士屬辭瞻敏不為竒溢文切理勝武  
宗使作詔書慰邊將傷夷者曰傷居爾體痛在朕躬帝  
善其如意出賜以宮錦其後復草賜李德裕制曰謀皆  
予同言不他惑德裕以能明專任已以成功謂敎曰陸  
生恨文不迫意如君此等豈易得邪解所賜玉帶與之

傳王方慶治廣州號第一詔賜瑞錦雜綵以著善政

武后時

李白衣宮錦袍

張萬福為和州刺史代宗下

詔褒美賜具衣官錦十雙

韋綬德宗以蜀縑袍覆之

馮定為太常少卿文宗誦其送客西江詩召升殿賜

禁中瑞錦

唐金蓮華炬

令狐綯傳大中四年為翰林學士承旨夜對禁中燭盡

帝以乘輿金蓮華炬

金蓮花蜀柄也

送還院吏望見謂天子來

及絢至皆驚俄同平章事

十月  
辛未

東觀奏記上將命絢

為相夜半含春亭召對賜金蓮花炬送歸學士院 柳  
公權浴堂召對繼燭見跋 宋朝元祐三年四月蘓軾  
草三制對小殿撤金蓮燭送歸院

唐賜成象殿茶

韓偓金鑿密記翰林當直學士春晚則日賜成象殿茶  
吳主禮賢方聞置茗晉臣愛客纔有分茶

建隆長春節賜衣

賜百官時服

建隆元年二月丙戌長春節賜羣臣衣各一襲宰相率百官上壽賜宴相國寺辛卯大宴廣德殿凡誕節後擇日大宴自此始三年冬十月乙酉朔始賜文武常參官冬服有司言故事所賜止將相學士及諸軍大校上曰不及百官甚亡謂也乃徧賜之

端午十月一日皆賜

興國二年

十月戊午朔賜百官諸軍冬服九年五月賜臣僚時服自是歲以為常

開寶賜真珠盤龍衣

開寶元年七月董遵誨為通遠軍使上以西戎近邊命  
守馬遵誨常遣外弟劉綜來貢馬及還上解所服真珠  
盤龍衣使齎賜之綜曰遵誨人臣豈敢當此賜上曰吾  
委遵誨方面不以此為嫌也

太平興國賜新茶

興國八年六月辛亥賜宰相文明翰林樞密直學士中  
書舍人節度觀察使建州所貢新茶

雍熙賜玉硯

雍熙三年正月錢俶進草書絹圖二翌日墨詔獎  
諭賜玉硯一金匣副之龍鳳墨百挺紅綠筆百管  
盈丈紙百軸 梁李琪謝賜大硯云記室濡毫於  
楯鼻史臣染翰於螭頭自叨金玉之近班常愧玉  
蟾之舊物

雍熙草書扇 淳化紅綾扇 天聖飛白扇

見御書類 晏殊御飛白書扇賦

重午前一日以飛  
白縑扇賜近臣

酒迴春之藻翰成變楷之奇文命邇列以垂賜聳歡聲



於薦紳婉結無方輕濃有制該筆苑之適潤集書  
林之妍媚窮小篆以取法究八分而探異神仙縹  
緲之狀鸞鷲飛翔之執標玉字于日中湛金波于  
月際隋珠揚照乘之采崑玉吐如虹之氣在昔貞  
觀之隆文皇念功時則有無忌師道沐鸞蚪之班  
詔咸亨以降高宗禮賢時則有至德處俊荷檝翼  
之垂訓咸簡冊以傳載為古今之芳潤豈如親逢  
盛時載荷榮錫一言蒙魯袞之厚八體著義圖之

則五明在手見虞帝達聰之勤四座生風彰武王  
救暘之德欣待濯而蠲暑誓悉心而陳力順涼燠  
以舒卷永銜恩而無極 皎皎齊素冉冉紋篠合  
二美以為簞

景德賜冰

景德四年六月丙辰賜編修君臣事迹官冰十匣以暑甚  
特賜之乾道五年六月十日詔自初伏日賜學士冰一月  
周凌人夏頌冰 古者日在北陸而藏冰西陸朝覲而

出之

祥符鏤文紅管筆

祥符二年十一月丁巳內出太宗鏤文紅管筆分賜王旦等人一雙因謂旦等曰先帝聽政之暇常以筆法為意諸家字體無不學者學之必成旦等

曰先帝筆法英異非人臣所及

又見御書類

司馬光

通鑑表曰先帝賜御府筆墨光有黃囊貯紅管筆一枝實治平中賜物張栻銘筆囊曰厚陵之

賜文正之澤傳之方來見者改色筆端吐辭穀粟萬  
世豈惟改色公心是繼在昔魏公世保其笏謹哉斯藏  
惟德其物 英宗賜王廣淵筆 蕪頌有謝賜筆墨  
紙表 象管寶跗之副 染松煙灑鵝素

天聖賜繡鞵

天聖七年二月十一日詔資政學士晏殊中謝日賜繡  
鞵以嘗預機密故也政和三年二月賜諸王金花鞍鞵  
詩脩草注轡首也 左傳繁纓以朝

治平賜盤龍金盆

治平三年九月丙辰夜召學士王珪至藥珠殿特詔中書除端明殿學士翌日又賜盤龍金盆一日知卿忠純有守故有此賜

建炎賜研銘

建炎中賜綦密禮研蓋上所常用者研刻御書曰操觚濡墨方中有殺生造次必思分今世可行

恤刑手  
詔記

建

炎四年六月定禮草范宗尹右相制上以所用筆研金

水滴牙尺賜之研陰刻御製銘云云 紹興六年十

一月賜張浚古端石硯筆墨 太公金匱硯之書

曰邪心讒言無得汙白 李尤王粲有硯銘籙欽

有讚傅玄有賦 墨海 潛璞 銅瓦 端石

庾肩吾有謝銅硯筆格啟云煙磨青石管挿銅龍

曾鞏謝紙筆表水苔之質秋兔之毫 漆管綠沉

之妙文犀象齒之殊筆 晉側理漢赫蹠紙 鄴殿鳳

銜漢朝魚網紙 沈家令之謝牋思生松黛揚師道之

佳句才揆煙華名殊九子狀異二螺墨紗帷畫煖墨

花春

紫石  
硯歌

紹興賜春幡勝

紹興十三年正月辛丑立春節學士院始進貼子詞百  
官賜春幡勝自建炎以來久廢至是始復

紹興賜宸翰扇

紹興十四年七月以宸翰扇賜秘書少監游操車駕

幸省故也

詳見經  
筵類

欽器

天下之理至于中而止故列聖相傳以中為大法而制器亦象焉過與不及均為非中惟中則正矣斯器日陳于前亦几杖有銘之意

五帝侑卮 魯宥坐器 欽器圖

文子守弱篇三皇五帝有觀戒之器命曰侑卮注欽器也  
見荀子注 荀子宥坐篇第二十八孔子觀于魯桓公之

廟有欽器焉

傾欽易覆之器

孔子問于守廟者曰此為何器



曰此盖宥坐之器

言人君可置坐右以爲戒宥右同或曰侑同勸也

孔子曰吾

聞宥坐之器虛則欹中則正滿則覆顧謂弟子曰注水  
焉挹水而注之中則正滿而覆虛而欹孔子喟然嘆曰  
烏有滿而不覆者哉子路曰敢問持滿有道乎孔子曰  
聰明睿智守之以愚功被天下守之以讓勇力振世守  
之以怯富有四海守之以謙此所謂挹而損之之道也

家語同

淮南子道訓篇孔子觀桓公之廟有欹器焉謂

之宥卮顧謂弟子曰取水注之中則正滿則覆揚子

重黎篇或問持滿曰抗歌注歌器也 劉子誠盈篇仲

尼觀歌器而革容監損益而歎息 唐文粹李德裕作

歌器賦云周公始作茲器告於神明難守者成難持者

盈丞相潞國公見遺歌器賦云赫赫姬旦配德阿衡始

作茲器告于神明挹彼注茲受之若冲非神鼎之自盈

異衢搏之不竭 許敬宗韋肇亦有賦 隋志小說部

魯史歌器圖一卷劉徽注唐藝文志儒家器準圖三卷後魏信

都芳撰聚渾天歌器等後魏志信都芳撰安豐王延明所集樂說并諸器物準圖二十餘事而注之

周廟欹器

說苑敬慎篇孔子觀於周廟而有欹器焉孔子問守廟者曰此為何器對曰蓋為右坐之器孔子曰吾聞右坐之器滿則覆虛則欹中則正有之乎對曰然孔子使子路取水而試之滿則覆中則正虛則欹孔子喟然嘆曰嗚呼惡有滿而不覆者哉子路曰敢問持滿有道乎孔子曰持滿之道挹而損之 晉杜預傳周廟欹器云云

下見

漢御坐歌器

見下段 文選注曹大家歌器頌曰侍帝王之密坐

晉歌器 南齊歌器

杜預傳周廟歌器至漢東京猶在御坐漢末喪亂不復存形制遂絕預創意造成奏上武帝嘉歎焉 南史杜預有巧思造歌器三改而成南齊永明中竟陵王子良好古祖冲之造歌器獻之與周廟不異

後魏歌器

傳安豐王延明使祖暉之作歌器漏刻銘

後周清徽殿歌器

頌

周文帝大統四年宣光清徽殿初成薛澄為之頌帝又  
造二歌器一為二仙人共持一鉢同處一盤鉢蓋有山  
山有香氣一仙人持金餅傾水灌山而注乎器謂之仙  
人歌器一為二荷同處一盤相去盈尺中有蓮下垂器  
上以水注荷則出於蓮而盈乎器為鳧雁蟾以飾之謂  
之水芝歌器二盤各處一牀鉢員而牀方中有人三才

之象也皆置清徽殿前形似甃而方滿而平溢則傾橙  
各為頌

隋歌器

藝術傳耿詢有巧思進歌器煬帝善之 臨孝恭著  
歌器圖三卷 唐張元覽歌器賦曰殷湯鑊几以為虞  
孔甲鑄盤以自鏡韋肇賦曰金人貽誨于周書撲滿流  
規於漢史匪雕匪刻可大可久鄙巨壑之難盈惡滿卮  
而虛受

唐欹器

嗣曹王暉傳暉嘗自創意為欹器以髹木上出五觚下  
銳圓為孟形所容二豆少則弱多則強中則水器力均  
雖動搖乃不覆云 實錄中宗景龍四年正月丁巳內  
出欹器示侍臣曰朕今造成置之坐右以誠盈滿

淳化欹器

太宗淳化中翰林學士蘇易簡內直嘗以水試欹器小黃  
門宣事密奏即召易簡問之曰卿所玩得非欹器邪易

簡曰然此江南徐鉉所作取至便坐親較試之再三賞  
歎易簡曰日中則昃月滿則虧器盈則覆物盛則衰願  
陛下持盈守成慎終如始固萬世基業

皇祐歌器 御製歌器論後述

皇祐四年三月戊辰上御通英閣內出歌器一陳御坐  
前諭丁度等曰朕思古歌器之法試令工人制之以示  
卿等命左右以水注之虛則歌中則平滿則覆率如家  
語荀子淮南之說法度精巧上曰日中則昃月盈則虧



聖人有持盈戒慎之遺旨朕每思臨天下舍中正之道何所法乎丁度對曰臣等亦願以中正事陛下因奏太

宗時嘗作此器真宗制歌器論

寶訓云真宗為贊

演先儒之義以

垂戒帝曰然四月庚辰上遂製歌器論後述一篇以申存亡進退虧成之鑒以示之度等奏曰聖文大旨率遵先帝聖訓父作子述此周道之所以無憂而永福萬邦之慶也願宣布中外使知聖心所存上曰欲使卿等見之何須宣布也度曰臣等各願傳本以彰榮遇上曰可

便以此本賜卿度等拜而受之 實錄皇祐四年四月

庚辰御邇英閣出歌器論後述示講讀官

長編同

燕肅

嘗造歌器以獻 崇文目小說有歌器圖一卷 於滿

見桀於中見禹用寶一謙以集衆甫有器在右如弦與  
韋 假以溢我我其持之厥器之安孰能危之

詔諫

國語召公曰天子聽政使公卿至於列士獻詩瞽  
獻典史獻書師箴瞍賦矇誦百工諫庶人傳語近

臣盡規親戚補察瞽史教誨者艾修之而後王斟酌焉范文子曰古之王者政德既成又聽於民使工誦諫於朝在列者獻詩使勿墮風聽臚言於市辨妖祥於謠考百事於朝問謗譽於路有邪而正之盡戒之術也說苑晉太史屠餘曰國之興也天遺之賢人與之極諫之士

堯進善旌舜告善旌

漢文紀二年五月詔曰古之治天下朝有進善之旌誹謗

之木所以通治道而來諫也。今法有誹謗妖言之罪，是使衆人不敢盡情而上，無由聞過失也。將何以來遠方之賢良，其除之。注：應邵曰：旌幡也。堯設之，五達之道，令民進善也。服虔曰：誹謗之木，堯作之，橋梁交午柱頭也。應邵曰：橋梁邊板，所以書政治之愆失也。至秦去之，今乃復施。

師古曰：應說是也。

韋昭曰：應政有關失使書于此。後代因以為飾。今宮外橋梁頭四柱木是。

也。鄭云：即今之華表。

大戴禮保傅篇有進善之旂。

注：堯置之，今進善者。

立旂有誹謗之木。

注：堯設之，使書政之愆失。

有敢諫之鼓。

注：毋置之，使諫者擊。

之

管子桓公問篇舜有告善之旌而主不蔽

文選揚旌

求士注亦引此事

唐范傳正有進善旌賦

詩干旄美好

善也衛文公臣子多好善

旌

木

克舜三王

鼓

克舜

禹武王

堯敢諫鼓

殷周

舜誹謗木

湯司過史

司直禹鞞 武王鞞

淮南子王術篇

揚震傳注引帝王紀下二句同

堯置敢諫之鼓

注欲諫者擊鼓

舜造

一作立

誹謗之木

注書善否於表木闕四門明四目達四聰

湯有司過

之史禹有戒慎之鼗

注欲戒君令謹疑者搥鞀鼓人於善無小而不舉於過無微而

聖

不改又云湯有司直之人

官名

武王立戒謹之鞀

鄧析子

堯置敢諫之鼓

帝王世紀淮南子劉子通歷並同又申屠剛傳注

呂氏春秋

堯有欲諫之鼓

注欲諫者擊其鼓

舜有誹謗之木

注書其過失以表木

湯

有司過之士武王有戒慎之鞀

注欲戒者搥其鞀鼓之

猶恐不能

自知 劉子貴言篇昔堯置招諫之鼓舜植誹謗之木

湯立司過之士武王立戒慎之鼗 大戴禮保傳篇太

子既冠成人云云有進善之令有誹謗之木有敢諫之

鼓是殷周所以長有道也

注見上 賈誼新書同

孫策書曰上

天垂司過之星聖王建敢諫之鼓

注吳志

李密檄云唐

堯建鼓思聞獻替之言

傳

唐貞觀十一年八月甲子

魏證曰封事其謗木之遺乎裴諝曰諫鼓謗木之設

所以達幽枉延直言陸贄奏議虞舜設誹謗之木而

帝德廣

堯納諫鼓 舜求箴木

唐褚亮傳為黃門侍郎秦王文學時高祖以寇亂漸平

每冬畋狩亮上疏諫曰臣聞堯鼓納諫舜木求箴茂克  
昌之風致昇平之道

### 堯舜諫鼓謗木

後漢楊震傳河間男子趙騰詣闕上書指陳得失帝發  
怒收攷詔獄震上疏救之曰臣聞堯舜之世諫鼓謗木

立之于朝

注引帝王  
世紀云云

以達聰明開不諱

漢賈誼傳古

者太子既冠成人免於保傅之嚴則有記過之史徹膳

之宰進善之旌誹謗之木敢諫之鼓

注師古曰進善言  
者立於旌下識惡



者書之於木欲顯諫者則擊鼓保傅篇曰此殷周所以長有道也鄧析子云堯置敢諫之鼓舜立誹謗之木此聖人也後張皓傳順帝即位皓上疏諫曰堯舜文選注引之

立敢諫之鼓三王樹誹謗之木

堯謗木 諫鼓

唐獨孤及傳堯設誹謗之木於五達之衢 吳兢傳堯

設諫鼓禹拜昌言 晉郭舒傳堯立謗木舜置諫鼓

後漢申屠剛傳建進善之旌縣敢諫之鼓注旌幡也淮

南子曰禹縣鐘鼓磬鐸云云帝王紀曰堯置敢諫之鼓

崔豹古今注荅程雅問堯謗木曰今之華表木形似  
桔槔大路高衢悉施焉秦乃除之漢始復脩今西京謂  
之交午木 周禮大僕建路鼓注鄭司農云若今時上  
變事擊鼓 唐王起諫鼓賦百官尚箴七臣猶諍 白  
居易諫鼓賦以為聖人思聞蹇諤故表器而名之

禹鞞 待賢虞鼓 鍾 鐸 磬 木鐸  
建鼓

淮南子汜論訓禹之時以五音聽治縣鐘鼓磬鐸置鞞

以待四方之士為號曰教寡人以道者擊鼓諭以義者擊鐘告以事者振鐸語以憂者擊磬有獄訟者搥鞀

文選永明九年王元長

融

策秀才文或設虞待賢注嚮

子曰

禹政篇第七

禹治天下以五聲聽治為銘於筓虞曰教

寡人以道者擊鼓教以義者擊鐘教以事者振鐸語以

憂者擊磬語以獄訟者搥鞀

搥一作揮

是以四海之士皆至

夏書循征先王克謹天戒每歲孟春道人以木鐸徇

于路官師相規工執藝事以諫

管子禹立建鼓于朝

而備訊喚 舊唐史李密傳夏禹懸鞞時聽箴規之美

禹敢諫旗

後漢書鄧壽傳壽下吏當誅何敞上疏理之曰聖王立  
敢諫之旗聽歌謠於路注帝王紀曰堯有敢諫之鼓舜  
有誹謗之木禹置敢諫之幡

殷周司過史

大戴禮記保傳篇

又賈誼新書

太子既冠成人

新書作天子

免於

保傳之嚴則有司過之史

新書作司直

有徹膳之宰

新書作虧字

是殷周所以長有道也失度則史書之工誦之三公進而讀之宰夫減其膳是天子不得為非也 呂氏春秋湯有司過之士注正其過闕 孝經天子有爭臣七人鄭氏注謂三公左輔右弼前疑後承

周嘉石 肺石

禮大司寇以嘉石平罷民

文石也樹之外朝門左

肺石達窮民

赤石

也

朝士左嘉石右肺石疏嘉善也有文稱嘉欲使罷民思文理以改悔自修火色赤肺亦赤故知肺石是赤

石使之赤心不妄告也

漢皐囊

蔡邕傳光和元年詔邕陳政要以皐囊封上注漢官儀  
曰凡章表皆啟封其言密事得皐囊也 公孫瓚傳上

疏曰袁紹每有所下輒皐囊施檢文稱詔書

注同上

禮

儀志冬夏至八能士書板言事封以皐囊送西陛跪授

尚書

書囊惟見後赤白囊

漢言事板

禮儀志冬夏至八能士行事五音並作正德曰八能士各言事八能士各書板言事文曰冬至黃鍾之音調君道得孝道褒商臣角民徵事羽物各一板否則名太史令各板書封以皂囊送西陞跪投尚書孟嘗君書門板楚語云衛武公倚几有誦訓之諫注工師所誦之諫書之於几也崔琦曰昔管仲相齊樂聞譏諫之言蕭何佐漢乃設書過之吏陸贄曰植謗木陳諫鼓列爭臣之位置采詩之官以宣其言

晉白獸樽

禮志正旦元會設白獸樽於庭樽蓋上施白獸若有能獻直言者則發此樽飲酒案禮白獸樽乃杜舉之遺式也為白獸樽蓋後代所為示忌憚也

詳見上

晉諫鼓謗木

元帝紀大興元年六月戊戌初置諫鼓謗木

十一月二年五月十

二月詔公卿百官上封事

西魏大統五年十月於陽武門外懸鼓

置紙筆以求得失



梁謗木肺石函

通監武帝天監元年夏四月癸酉詔公車府謗木肺石  
各置一函若肉食莫言欲有橫議投謗木函若有功勞  
才器寃沈莫達者投肺石函 文選任昉天監三年策  
秀才文朕立諫鼓設謗木於茲三年矣

注引鄧  
析子

唐嘉石 肺石

會要顯慶五年八月東西京置嘉石垂拱元年二月制  
朝堂登聞鼓肺石不須防守有撾鼓立石者御史受狀為

卷九十  
奏 含元殿賦置兩石以卹刑 長安故宮闕前有唐肺  
石尚在長八九尺形如垂肺肺主聲聲所以達其寃

唐銅匱 獻納使

百官志武后垂拱二年<sup>六月</sup>魚保宗請置匱以受四方之  
書乃鑄銅匱四塗以方色列于朝堂青匱曰延恩在東  
告養人勸農之事者投之丹匱曰招諫在南論時政得  
失者投之白匱曰申寃在西陳抑屈者投之黑匱曰通  
玄在北告天文秘謀者投之以諫議大夫補闕拾遺一

人充使知匭事御史中丞侍御史一人為理匭使其後

同為一匭天寶九載

三月十八日

改理匭使為獻納使至德

元年<sup>十月</sup>復舊寶應元年<sup>五月</sup>命

中書門下擇正直清白官

一人知匭以給事中中書舍人為理匭使

會要云五月

韓賞中書舍人楊綰同充理匭使其時二人奏大理評事盧翰充判官

建中二年<sup>六月六日</sup>以

中丞為理匭使諫議大夫一人為知匭使投匭者使先

驗副本開成三年

八月一日諫議知匭使李中敏以為非所

以廣聰明慮幽枉乃奏罷驗副封

會要五年四月

紀

垂拱二年三月戊申作銅匱 會要垂拱二年六月置  
匱四枚共為一室列于朝堂東方木主春配仁仁以亭  
育為本南方火主夏配信信者風化之本西方金主秋  
配義義以決斷為本北方水主冬配智智者謀慮之本

揚州道士  
蔡裕製造

舊紀代宗寶應元年七月庚寅詔不許匱

使閱投匱人文狀 會要開元十九年正月二十四日

正字于休烈奉表投招諫匱 杜甫進三賦表稽首投

延恩匱 列傳高郢諫造寺書投招諫匱 蘓安恒

投匭上書 李渤為諫議充理匭使建言事大者以聞  
次白宰相下以移有司有司不當許再納匭詔可 孟  
簡元和中拜諫議大夫知匭事 李庾西都賦堯鼓不  
懸晉木不列鎔金作匭四門是揭 懿宗咸通四年正  
月詔曰內懸諫鼓外設匭函 後唐明宗復置匭函以  
諫議大夫為使

田錫章疏匭

田錫事真宗為御史知雜遷諫議大夫真宗見之色必

莊嚴仁宗謂翰林學士彭乘曰田錫好言事其章疏一  
漆匣先帝嘗自收之今尚在朕因觀之皆有益國家乘  
奏由錫未資骨鯁不可捷進故不得大用然至今天下

錫立朝以來封疏五十二奏悉焚之  
興國六年九月甲辰錫以左拾遺上疏言軍

國要機  
起大體西

玉海卷九十